

蒲州府志卷之十五

列女

永濟縣

北魏

姚氏女字勝河東人少喪父無兄弟年六七歲卽有  
孝性言其父者聞輒垂泣正光中母死勝年十五  
哭泣不絕聲水漿不入口者數日不勝哀遂死太  
守崔遊申請爲營墓立碑自爲制文表其門閭比  
之曹娥改其里曰上虞里

蒲州府志

卷之十五 列女

一

隋

裴倫妻柳氏河東人少有風訓大業末倫爲涇源令  
爲賊薛舉所陷倫遇害氏時年四十有二女及兒  
婦三人皆有美色柳氏謂曰我輩遭逢禍亂汝父  
已死我自念不能全汝義不受辱於羣賊將與汝  
等同死如何女等垂泣曰惟母所命柳氏遂自投  
於井其女及婦相繼而下皆死井中

唐

樊會仁母敬氏蒲州河東人字象子笄而生會仁夫



死事舅姑祥順家以其少欲嫁之潛約婚於里人  
至期陽爲母病使歸視敬至知見給乃外爲不知  
者私謂會仁曰吾孀處不死者以母老兒幼今舅  
將奪吾志汝云何會仁泣敬曰兒母啼乃伺隙遁  
去家追及半途以死自守乃罷會仁未冠卒時敬  
母又終既葬謂所親曰母死子亡何生爲不食數  
日死聞者憐之

明

段小五妻李氏年二十一夫亡無子母欲嫁之誓死

蒲州府志

卷之十五

列女

二

不從奉侍翁姑供養無缺後翁姑年八十餘終以  
禮殯葬事聞於朝表爲節婦

薛剛妻楊氏生子小來剛當行戍顧謂楊曰吾親老  
子幼我生死不可必願終養吾親楊曰諾剛果死  
於軍楊恪奉舅姑撫幼子未幾小來補戍亦歿於  
軍舅姑相繼終楊慟哭以所居易財營葬閭里勸  
其改適楊曰人無志節禽獸何異吾寧死不爲禽  
獸行就食於弟家操持愈嚴知州徐孚聞於朝詔  
旌其門



解輝妻董氏生子福寧未晬夫卒董年二十一蓬首  
垢面父母以其少寡欲令改適董曰親老子幼苟  
舍而之他子無所怙舅姑必殍於溝壑吾忍爲之  
乎於是益盡婦道紡績營衣食美食奉舅姑自啖  
粗糲舅姑歿與子負土穿壙以葬旦夕悲號知州  
徐孚上其事詔表爲貞孝之門

王寅妻嚴氏年二十一夫卒嚴三十年足不踰閫屏  
簪珥事姑育子貧苦自甘事聞旌表

張文俊妻屠氏年二十九夫亡欲自縊以殉人勸以  
蒲州府志 卷之十五 列女 三  
翁姑無依乃止紡績營食以養舅姑孀居五十餘  
年巡按御史上其事詔旌其門

生員苟儀妻王氏儀歿悲慟欲絕及葬下棺投身壙  
中賴姑救免自是屏簪珥綺繡不御母勸他適誓  
死不從州守上其事詔旌其門

生員史璘妻宋氏歸史未三年夫疾歿月餘生子迪  
宋紡績爲生終無他志訓子讀書成立守節六十  
餘年八十一歲卒

郝璠妻衛氏年二十三璠卒生一女在襁負或誘其



改節衛曰我衛女郝婦皆蒲名族忍失節背義以爲兩門辱守節六十餘年八十七歲卒

嚴圭妻王氏年二十夫亡父母欲奪其志王以死自誓不能強而止晝耕夜績以供舅姑卽荒歲未嘗乏鄉間賢之年九十一歲卒

姬懋妻楊氏懋以戎籍應伍留妻事親後懋卒遺子幼楊事舅姑撫子孝慈兼盡凡五十餘年七十七歲卒

孟子厚妻牛氏年二十五子厚歿牛矢志不移父母蒲州府志 卷之十五 列女 四 不能奪遺孤三歲撫訓有方事翁姑盡孝年踰七十守節無虧

生員史夢陽妻王氏婚僅踰歲年十六夫以赴試卒逆旅誓死守節生遺腹子艱心撫育後以地震卒巡按以貞節旌其門

蕭鎡妻張氏年十七夫亡懷妊生子世榮翁姑相繼歿皆以禮葬撫孤成立州守聞於上免其孤子差役

張璠妻劉氏年二十四夫客死中州僅遺一女劉聞



訃誓欲殉夫父母守護之姑病卧蓐再三勸慰劉遂斷髮毀面辛苦三十餘年竟還夫柩姑病亦痊女得婚配皆劉經營之力姑歿以禮殯葬

牛仲明女牛氏劉愷聘而未配愷先娶衛早卒生一子劉父母聘牛氏預迎以歸愷中途被難頃之衛氏憫及遺孤抵里牛撫孤若已出事翁姑至孝服禫父母慰女曰汝處子未識夫豈真劉氏婦耶牛曰身既歸劉卽其婦矣親老子幼尚何適父兄陰納施氏聘牛聞之哀號幾絕泣愷神主前三日不食死孤成立名釗釗子忠甫子東旭三世皆廬墓時稱爲三烈孝

楊鷓妻王氏年二十夫歿遺子甫三月王自毀面目雖至親內人罕見其面孝事病姑始終不怠撫育幼子身歷百艱一日子偶墜井中經日出之無恙人以為苦節所感襄毅楊公誌其墓

洪果妻張氏夫亡年甫二十四歲遺腹有孕甘貧苦守後生子無以為養張以女紅易粟自給或勸其再醮垂泣答以夫情不可忘子幼不忍棄寧死不



移居五十餘年州守以貞節表其門

趙棟妻陳氏棟感沉痾陳侍湯藥勤苦不懈棟疾革詢身後事陳以守節自誓夫歿陳年二十一無子女事翁姑備極孝養州守扁其門曰有共姜風孟端妻邵氏早寡姑母欲奪其志氏抱幼女亥隕於井八歲女熙墜從之既出屍母猶抱亥熙抱母閭巷悲感後十年知州屈拱北始以事聞詔建祠樹坊遷墓岡卿王謙爲之傳都御史曹于汴撰祠碑記

蒲州府志

卷之十五

列女

六

生員楊元祗妻王氏家素貧乏勤績紡以供朝夕祗故誓不欲生滴水不入口者七日甘心餓斃從容就死較慷慨殺身更爲難焉

生員田民皞妻雷氏崇禎壬午冬悍將任國奇兵過蒲所至劫掠氏被擄投井而死同時死者舉人盧世臣妻田氏又有喬及芳妻張氏闖兵入城投井死

國朝

展奇第妻王氏順治己丑遇兵變被挾馬上奮力掙



墜者數次時大雨遍體污泥兵恨殺之

生員楊五禮妻孫氏夫亡事翁撫孤克盡其道甲申  
闖變翁被害氏藏身廁中污體垢面賊怒揮刃破  
額而去氏負創殮翁哀泣如禮後全節以壽終

薛永淳妻王氏少寡闖賊陷蒲被執不屈投井死

裴渤妻張氏夫亡遺一女矢志守養姑姑甚德之會母  
欲奪其志氏抱姑暨女一慟而絕

副千戶韓印勲妻孟氏年二十印勲從征流寇辛苦  
節數十載比歿風雨陡發有光燭體閃爍如電里

蒲州府志

卷之十五

列女

七

人異之

訓導張述善妻李氏姜寇變李隨姑王避亂山谷兵  
迫奮身投崖死又王浩元妻李氏亦以不屈墜崖  
死

葛振盛妾趙氏姜寇變氏與夫並被擄乃密以簪珥  
投夫且曰兵營中勿認我爲婦懼汝害也兵欲亂  
之不從抽刀以脅氏乃引頸迎刃而死

生員張猱妻韓氏避盜入山賊追及之韓顧謂家人  
曰爾各自爲計無顧我此卽我畢命時也遂投崖



下婢滿兒以手挽之因俱碎焉

李永春妻陳氏年十八歸李越四載夫亡遺子甫三歲家貧女紅自給時里中病疫母子胥染勢甚狼狽陳仰天禱曰黃口孤兒宗祧所係寧斃我母傷子尋皆無恙訓子凜若嚴師子卒成立康熙四十一年旌

張奇與繼妻姬氏年二十六奇與客死訃聞氏哀毀逾情拮据迎喪歸葬撫前子恩情備至稍長脫簪珥以資服賈家小康淡薄如故康熙五十年旌

蒲州府志

卷之十五

列女

八

姚元度妻左氏年二十元度病革顧謂氏曰我死汝無守顧俟吾母終年後子幼善撫其成使嗣我氏聞哽咽不能語洎夫卒截髮毀容盡瘁事育孀居三十七載雍正五年旌

尚苗姐永濟里民女也有族人素凶淫一日突入其室欲逼淫之苗姐以死拒遂被殺雍正七年旌

吉無違妻李氏其歸於吉時無違年甚長而李方艾也居數年生二子一女他日無違外出惡少年踰垣夜逼之李持刀大罵欲自刎鄰嫗救止之然恨



不止越四日卒自縊乾隆七年旌

石光宗妻王氏年十九而寡一子始生六月舅姑以年少欲嫁之王決不可一日方持刀作羹復有強相勸者王怒引刀斷一指曰吾所不爲石氏婦者有如指且泣且誓血淋漓砧案間家人皆大驚永濟令聞之以匾旌焉王年七十九無疾而卒

姚氏者永濟人劉彥慶妻也彥慶以康熙末歲荒辭鄉里遠去不知聞者數年矣姚獨與姑及幼女家居雍正九年忽有傳彥慶爲僧太白山中者其母

蒲州府志

卷之十五

列女

九

泣語姚慶素愚梗必我躬往召之庶肯來歸耳遂留姚及女而偕所親行訪求之既至竟不得彥慶悲感成疾於太白死焉姚痛姑歿在異縣念無收者謀卽奔喪特貧甚又無宗族近者可託俱行更三年乃泣告其弟弟隨與往姚得負姑骨而歸葬焉

裴尚直之妻丘氏年十九夫亡更三年其翁又亡至二十五其姑復亡也唯孤子是依日夜織紡或終夕不眠作布自給兄弟憐之試以改適諷丘內自



憤恨致嘔血然終不能移其志也初翁死時哭其子復哭其夫遂喪明丘奉之甚至每飯必親喚後姑目忽自明咸以丘誠孝有所感云

馮氏為張育英妻時年始十三又十年而寡育英縣貢士也舅以其少意欲令其他適馮曰安有其夫號明經者而婦復事人哉卒取姪嗣育英撫之以守志焉乾隆八年旌

生員李應奎妻劉氏 事聞旌門

盧滋妻鄭氏 事聞旌門 郭敦妻喬氏

蒲州府志 卷之十五 列女 十

杜昂妻史氏 王彬妻馬氏

韓玻妻薛氏 子楫孫熿貴累加封贈

王進妻張氏 卒年九十九歲奉旨旌異

義民段輔妻王氏 巡按御史旌楊襄毅表墓

生員羅拱極妻賈氏 楊霆妻屈氏 巡按表門

趙釗妻尹氏 巡按旌門 張寧妻雷氏 曾孫四維貴授封

張楨妻馮氏 萬歷中旌 甯師賢妻高氏 道院旌表

杜文俊妻羅氏 奉旨旌 武生韓塏妻張氏

杜惟妻王氏 河東道旌 魏士盛妻韓氏



王三宅妻史氏 奉旨旌 葛之錦妻侯氏

張崇茂妻呂氏 王良嘉妻李氏

貢士孟紘祚妻張氏 左永篤妻秦氏

陳邦桂妻張氏 師家讀妻楊氏

光祿典簿王敬妻劉氏 張溥妻郭氏

亢光英妻楊氏 張問世妻柴氏 上並明時者

儒童張奇瑄妻解氏 吉熊瑞妻曹氏

吉鳳麟妻王氏 府州旌 集琦妻解氏 府縣旌

吉鳳翔妻張氏 楊澄妻吉氏 有司旌

蒲州府志 卷之十五 列女 十一

儒童姚元度妻左氏 雍正六年旌

羅大琮妻吉氏 李泳妻劉氏 永濟令旌

陳大琳妻柴氏 事姑至孝 生員楊茂瑾妻史氏

崔封妻郭氏 李萬椿妻楊氏 乾隆元年旌

鑾儀衛經歷張鐸妾龔氏 趙氏 建坊旌

薛永侯繼妻馬氏 楊復運妻姚氏 有司旌

儒童李耀妻劉氏 康熙中有司旌

儒童劉倬妻任氏 劉儀妻王氏

張振庭妻楊氏 李玠張氏



生員常謹繼妻高氏 常摺妻左氏 郡守 並旌

高尚明妻楊氏 永濟 令旌 李進祿妻任氏

張含珽妻羅氏 史振宗妻衛氏 雍正十三年旌

儒童楊若崇妻王氏 乾隆三年旌

崔學禮妻樊氏 崔大舉妻樊氏

崔大蔣妻楊氏 已旌

監生楊富春妻王氏 雍正十三年旌

李萬奉妻楊氏 乾隆元年旌 劉加武妻崔氏 乾隆二年旌

貢生張育藩妻樊氏 姚津妻劉氏 並乾隆三年旌

蒲州府志 卷之十五 列女 三

監生李作舟妻呂氏 韓繼祖妻楊氏 侯選州同

侯法妻鄭氏 荆養棟妻雷氏 生員齊宗德妻荆

氏 王樞妻陳氏 周昌耀妻陳氏 並乾隆三年旌

翟萬禧妻胡氏 生員李薰芳妻張氏 並乾隆三年旌

生員樊世韓妻韓氏 韓啟瑜妻鄧氏 貢生張育

英妻馮氏 吳學敏妻史氏 李廣增妻周氏 五人 並乾隆

隆七年旌 高廣妻吉氏 乾隆八年旌

王景清妻李氏 八年旌 趙懷瑾妻劉氏 九年旌

王廷桂妻郭氏 十年旌 劉芳聲妻王氏 十二年旌



李增繼妻田氏 十二年旌

薛大豐妻劉氏 十三年旌

李本固妻楊氏 十六年旌

王大寧妻蒲氏 十四年旌

范毓瀆妻蘇氏

儒士任養善妻張氏

薛麟徵妻楊氏 前州守旌

生員楊珏妻吳氏

賀國軒妻展氏

儒士孫怵妻馬氏

劉大聞妻楊氏

劉元恕妻尉氏

候選縣丞張颺妻張氏 有司旌

張永寧妻許氏



臨晉縣

北魏

崔氏金州刺史郭牙妻牙調官當赴留氏事母牙沒於官氏忍容事母不令其知母卒氏竭力治二喪畢不食而死鄉人表爲孝門

明

宋氏年十四適同里黃良德後十年良德卒亦自縊與良德同時葬隆慶間旌表其門

生員王幕妻陳氏年十九夫亡遺子三策尚未期月

蒲州府志

卷之十五 列女

十四

時家貧不繼朝夕人皆難之以死自誓織紵作踰四十年巡按御史扁旌其門

荆世寵妻陳氏年十八夫亡孀居五十餘年閨門嚴肅人無間言督學陸扁表貞節

王康妻荆氏年十七夫亡子于楚方在襁褓茹苦守志萬歷二十二年有司奏聞於朝奉詔建坊曰綸

音旌節

邵明紀妻張氏年二十二而寡痛絕數四誓欲從死家人防之泣囑曰作壙宜濶爲我終身地壙成先



一日閉戶沐浴理粧整容如歸寧狀旋入室投繯而死次日治喪二柩同舉觀者莫不垂涕張宜妻蔡氏年十七夫亡無子誓不改適茹荼飲水者五十餘年有司上其事奉詔建坊旌表

邵千妻高氏年二十夫亡無子族豪謀業逼嫁氏斷髮刺面以死自誓時千兄邵萬以時疫夫妻同逝遺子孟通方三歲高撫之苦節六十年天啓五年壽八十二卒孟通三年喪以報之有司旌表其門國朝

蒲州府志

卷之十五

列女

五

姚門雙節者廩生姚在陞妻胡氏暨子翼宸妻李氏也甲申逆闖渡河所過殘掠胡氏謂媳李氏曰賊熾甚倘不免實墮家聲毋寧死之爲愈隨以襁褓子付乳母趨赴深井姑先投媳繼之同時而死當道表其門名井曰雙烈

王氏者少司馬李棲鳳子世昭之妻闖賊入境偕民婦避難蛾蟄原之土穴中爲賊搜索羣驅而出伏地不起賊呵之且脅以刃曰頭可斷義不受辱賊曳之出行十餘步見深崖曰吾得死所矣遂躍下



腦裂而死

王士熊妻許氏年十七而夫亡哀毀欲絕尋即自經姑覺急解之泣慰曰尚有遺腹倘生男以繼夫後不猶愈於死耶數月生子挺銓辛苦撫育克承父業總督白旌其門

劉四維妻張氏家貧甚夫亡子幼苦守撫子國興成立甫生孫業太而子亡繼撫孫成人婚娶生曾孫世勤而業太又亡劬勞三世苦節七旬年九十八而卒

蒲州府志

卷之十五

列女

六

張我僕妻王氏夫亡子在襁褓貧無所依辛勤織作撫子勲成立入庠年八十九卒

生員劉復元妻杜氏年二十而寡家貧無子父母欲奪其志氏誓死不從苦節四十餘年卒

生員荆澍妻趙氏澍亡氏年十六歲志在必殉宗戚以公姑年老苦勸氏忍死撫姪元斌爲嗣盡孝養三十餘年間里稱之

樊懋爵妻趙氏夫亡無子年二十父母舅姑憐其少欲嫁之泣謂曰天禍我家將焉適婦人不二天計



之稔矣執節終其身

臨晉有王氏者爲李孟冬妻其卒也百有十歲矣初歸孟冬二十五爲嫠婦秉志孀獨至於八十五年尤世所未有者雍正五年祀於節孝祠

張盛學妻樊氏二十二而夫死康熙三十年邑中大荒其叔因欲使改適樊毀其面且剪髮示無二志叔不敢逼苦節數十載而終

孫烈女生員孫永徽女字孟某于歸前五日孟卒女日夕飲泣誓不更適尋遭危疾語祖母曰兒夜遊

蒲州府志

卷之十五

列女

七

澗遇一柳二椿間憇焉閱月而卒孟葬請耐許之墳正當一柳二椿間也

衛大垣妻馬氏年十六歸衛逾歲而夫亡撫遺腹子宏獨居守志宏已十餘歲矣一日其母憐馬方少且貧微以改適諷之馬涕泣曰向所以不死者以此兒耳今母欲吾毀節我又何生爲遂自縊而死與馬同時有姚氏者爲楊常順妻其寡時方十六以小姪爲嗣歲餘姪忽自死其姑疑姚欲嫁致害其子雖不言而意薄之姚知之不敢自明隱忍久



之忽破面截髮欲自殺以示無他志姑乃釋然復以他姪嗣焉馬之縊也雍正六年臨晉劉令爲立主於節孝祠而姚氏後亦表於有司

王宗陵妻衛氏合卺夕宗陵已病篤未三月宗陵卒姑憐其少欲爲改字氏斷髮示志孀居十四年而卒

故民周英妻荆氏十八而娶其隣有少婦新寡再適富家荆獨守其志後富家弟喪妻隣婦之適富人者素識荆母徐謂母不若以荆與婚荆聞之即剪髮自誓竟不能奪康熙中值大饑拾野蕨以食處之自若也

符氏者夫死二子並幼守志已數年族人鐘寬西忽浮言侮張謂符將謀招外人爲夫以養其子符聞之曰我爲嫠而使人作此言不死何以明吾志遂自經臨晉令擒寬西論其罪而符氏旌於官乾隆十七年也

陳烈婦者臨晉里民王有援妻也有援死無子而陳年方少悲哀欲自殺爲家人所持不得然事翁尤



孝乾隆戊辰大饑爲翁備甘食而已咽糠覈不使  
翁知之後三年其叔既婚陳時呼叔婦囑以善事  
翁若遺戒者一日語訖入戶自經鄉里聞之皆爲  
流涕

許遷喬妻張氏

張鳳翔妻呂氏

高標妻張氏 上明代 並旌

生員荆璋璘妻姚氏

劉從寬妻姚氏

生員荆爾挺妻孟氏

舉人姚在朝妾焦氏

生員衛應先妻姚氏

生員張良魁妻王氏 制府 旌

蒲州府志 卷之十五 列女 九

張經典妻劉氏 學使 旌

李垣妻張氏

生員孫鴻烈妻衛氏

杜尚德妻張氏 學使 旌

許朴妻趙氏

王愜妻張氏

閔國法妻張氏 邑令 旌

荆山英妻王氏

生員謝紹燕妻薛氏

謝顯相妻王氏

郭百知妻呂氏

衛季妻郭氏

生員曹元勛妻姚氏 上三人並 有司旌

趙京妻段氏 衛祚妻王氏 壽九 十餘

王萬成妻李氏

生員荆騰鶴妻趙氏



孫應端妻旬氏

姚五英妻吳氏

程秉讓妻衛氏

李岑妻王氏

呂俊聲妻周氏

荆王朝妻趙氏

生員張公祚妻姚氏

監生孫繩妻謝氏

溫所欽母陳氏

趙質妻謝氏

生員王載夏妻李氏  
生員王旌任妻楊氏

儒童王追典妻鄭氏  
儒童楊大煜妻韓氏

荆雲慶妻朱氏

趙昕妻謝氏  
昕子踵普

妻謝氏

生員王樞妻衛氏

蒲州府志

卷之十五

列女

三

趙自新妻樊氏

譚段氏

乾隆四年旌

黃剛妻鄧氏

乾隆五年旌

姚格妻王氏

乾隆八年旌

王信妻郝氏

乾隆九年旌

馬有才妻衛氏

乾隆十年旌

生員宋步且妻吳氏  
妾宋氏

乾隆十二年旌

任廷琇妻王氏  
任天祥妻屈氏

乾隆十七年旌

儒童李夢棠妻趙氏

母世綿妻吳氏

李暉吉妻呂氏

樊純英妻王氏

李浙妻荆氏

生員李沐妻荆氏

吳方穀妻王氏

學使旌

荆毓光妻張氏

入節孝祠



生員衛邦傑母杜氏

荆中極妻賈氏

邑令劉入祠

生員李長年妻姚氏

任聖和妻楊氏

邑令旌

任廷珩妻姚氏

吳志高妻劉氏

樊爾士妻咎氏

李爾欽妻衛氏

許飛先妻郭氏

楊實妻王氏

李天适妻張氏

常寧妻荆氏

生員荆文欽妻王氏

謝梁氏

荆廸妻朱氏

儒童樊文鏗妻毋氏

王植妻楊氏

李茂朴妻閔氏

蒲州府志

卷之十五

列女

三

生員劉復元妻杜氏

周文奇妻郭氏



猗氏縣

明

令狐氏隱士景雲女夫喬雲病亡氏年二十二男世卿未及一週堅志守節家徒壁立日夜勤紡績至老端嚴外戶不窺媪居六十二年萬歷中建坊杜江妻張氏年二十三喪夫時子方娠姻戚諷以改圖張毀面自誓緝緝執節事姑以孝聞撫遺腹子成立人無間言

孫周妻王氏年二十八而寡遺孤猶在襁褓或以微蒲州府志

卷之十五

列女

三

言動之輒恚曰此言何至于我耳遂斷髮毀面足不踰門卒全其節

令狐氏舉人楊聯芳妻少有至性從父鏗受列女傳芳中鄉魁尋病瘵卒令狐方二十七止一孤女父母勸之更志則痛哭曰令狐氏詩書禮義之族寧容有再醮女且少時父所授詩傳謂何自是不抵父舍絕葷茹素不御綺羅守節二十餘年卒知縣管皦如教諭鄭溢扁其門

楊繼志繼妻張氏年二十九夫亡無子撫前妻子如



己出巨族欲娶者衆竟不能奪守節五十年

米萬厥妻董氏姑幾百歲失明夫亦瞽不能周養董勤績紡博升合以給食冬寒負之逐日每先姑後夫夜無衾抱其姑解衣相覆而寢數年如一日當路旗其門

卞和王妻朱氏玉與楊生忤楊生動詬其父母玉忿刺之死亦自經時朱年十九歲嘆曰夫能力誅讐人以義自死妾何惜以身殉夫乎遂閉戶縊

庠生振奇女陸氏適安邑義民廉名揚甲申闖賊亂

蒲州府志

卷之十五

列女

三

陸同母劉氏逃難堡中至屯南突聞兵至亟竄避野塚叢棘中俄賊搜之出以利誘相從不可遂脇載馬上以行陸輒自投馬下罵不絕口遂伏刃

令狐氏崇禎初邑紳喬應甲有罪子拱秀偕妻令狐氏被逮胥吏迫就道以手推令狐拂其小指令狐毅然正色曰吾指乃爲賊吏所污耶此指無用矣不可復留卽剪斷其指人咸憚其烈焉

國朝

郭邦幾妻裴氏年二十夫故子女亦相繼亡熒熒茹



苦四十餘年康熙初旌

郭琛妻荆氏產一子不育琛病革氏慟語母曰兒無姑何依無孤何撫願及其未瞑先死顧母恩未報請待來生母止之不得遂覓毒藥自吞腸斷指裂見者雨泣琛目之而逝事聞建坊旌表

生員荆文邵妻陳氏年二十四夫亡無子守節立孤撫如己出事孀姑二十餘年備極色養長女適郭琛十八歲吞藥殉夫人謂女烈由于母節

趙遵宋妻路氏年二十而寡或諷之改志路氏以刀斷指自誓不二撫子龍章成立年七十卒

蒲州府志

卷之十五

列女

十四

陳可濟妻任氏濟以歉歲餓死氏忍饑營葬畢慟哭於墓遂投井死

庠生郭爲翰妻荆氏十七歸翰甫逾歲翰隨世父任卒於越署櫬歸時氏在外家聞訃即陰覓毒藥置襟袖間適歸撫柩泣血和醋吞藥家人急救得甦然誓心殉死故食生冷物或日一食未半年遂致疴瘠而卒

荆天福妻張氏年十七夫卒生子甫三月值歲饑翁



欲嫁之氏抱子哭曰餓死命也奈何再醮翁逃荒河南遺七旬祖姑氏紡績供菽水後數歲翁歸見老母康健孫已長成大喜已乃大慟曰我負孝婦矣攝縣事錢萬選表其閭

荆起端妻王氏夫亡一子一女衣食不給窮瘁萬狀不易其志其夫之弟將奪而嫁之氏聞之投井而死

史書妻裴氏史行醫糊口染疫而死惟遺一女氏父勸其他適氏正色曰從一而終義也進才潛受人

蒲州府志

卷之十五

列女

五

聘氏聞其謀寄女於史之友自縊而死

趙自清繼室閻氏年二十七夫亡子方一歲前女甫十歲晝耕夜績撫子女成立前女適劉氏夫婦相繼早死遺一女在抱氏育之爲擇配年六十七而歿

黃益福妻張氏二十歲夫亡舅姑老病衆計蕭條氏上事舅姑下撫二弱孤艱苦萬狀舅歿典其少子以葬人稱節孝兩全

張洪鶴妻王氏鶴卒時子元順呱呱在抱葬未盈月



鶴之兄弟將奪而嫁之陰受人聘矣王察其有異志夜抱其子潛投母家獲免時其母亦老孀又無兄弟可依更繼明季連歲饑饉屑草根木皮爲食子長母卒始歸其家娶婦育孫艱辛備嘗壽九十一而卒邑令吳旌其門

孟仕齊繼妻常氏年十五歸齊二十三而寡止生一女誓不改操撫育前子恩勤備至孝事老姑終始不懈遠近稱之

杜得福妻楊氏見侮強暴自縊而死事聞雍正五年

蒲州府志

卷之十五

列女

三

建坊旌表

令狐綱妻陳氏

有司旌

沈廷吉妻丁氏

御史表門

任宏妻張氏

庠生耿節妻楊氏

楊騰飛妻姚氏子仁妻孫氏

旌於官

史文德妻管氏

庠生衛道妻李氏

荆一德妻展氏

常元楨妻張氏

奉旨旌

庠生孫昌期妻陳氏

武舉令狐縉妻姚氏

孔學易妻郝氏

勅旌

孔氏義女雲姐

有司旌

何士俊妻王氏

上並明代者

令狐熠妻荆氏

有司旌



庠生張嘉猷妻潘氏子士祿妻薛氏

張永壽妻李氏 張仲鶴妻原氏

張士登妻解氏 荆世芳妻靳氏

張節妻王氏 學使 旌 畢文禮妻令狐氏

王國信妻張氏 王公辛妻席氏

荆春陽妻管氏 楊廣妻荆氏

陸春林妻董氏 有司 旌 管廉妻曹氏子婦趙氏

庠生荆佐鄢妻王氏 荆佐彭妻閻氏

張運福妻王氏 張璞輝妻雷氏

蒲州府志 卷之十五 列女 三

李喜中妻韓氏 質子 葬翁 張文華妻裴氏

暢恩秀妻王氏 潘成緒妻衛氏

庠生喬雲書妻陳氏 衛周慶妻陳氏 邑令 旌

王命召妻暢氏 孫培初妻鞏氏 邑令 旌

儒童劉文煊妻郭氏 張所性妻岐氏

庠生張中侯妻陳氏 孟仕晉妻陳氏

劉應翼妻楊氏 儒童楊敏妻荆氏

解河東妻趙氏 杜如密妻張氏

李全敬妻荆氏 衛元青妻曹氏



張士秀龍氏

邑令旌

王智妻李氏智弟妻氏

柔天福妻楊氏

邑令旌 孝婦

陳學業妻王氏

邑令旌

王惕修妻邱氏

邑令旌

曹啟倫妻王氏

馮養信妻陳氏

王克遜妻李氏

有司旌

張延敬妻趙氏

有司旌

孫淑禹妻胡氏

陳應明妻令狐氏

孫安楚妻何氏

杜繼秀妻紀氏

邑令旌

王克弘妻胡氏

陳美發妻拓氏

郝進秀妻令狐氏

胡增福妻薛氏

程振法妻高氏

邑令旌

蒲州府志

卷之十五

列女

三

程繼世妻王氏

郭春全妻許氏

衛得良妻何氏

荆作標妻翟氏

吳日增妻荆氏

生員荆周第繼妻董氏

孔建中妻陳氏

張天德妻許氏

荆昌壽妻邵氏

裴永林妻賈氏

劉彥禮妻楊氏

梁氏媳

任念伊妻樊氏

王天祐妻趙氏

生員陳呈琮妻李氏

生員周大經妻郭氏

楊祥妻高氏

原宗藩妻周氏

岳捷高妻劉氏



張學妻梁氏  
董帝畿妻介氏

李尚志妻王氏  
喬希堯妻姚氏

梁經乾妻郭氏  
師遊林妻陳氏

郭九緒妻雷氏  
王象燦妻梁氏

李昌都妻黃氏  
程之明妻王氏

裴建極妻李氏  
裴開昌妻陳氏

陳侃妻趙氏  
陳矩妻謝氏閆廣居妻王氏

楊振江妻王氏  
張大須妻翟氏

胡際祿妻張氏  
王文會妻楊氏

蒲州府志  
卷之十五  
列女  
三

王聚廷妻張氏  
鄒宏友妻楊氏

崔自興妻耿氏  
劉天福妻孫氏

儒童陸百揆妻梁氏  
張崇武妻范氏

廉從新妻陸氏  
景迎先妻賈氏



榮河縣

明

趙立妻張氏年二十餘夫故戚容垢面苦節四十一年弘治元年旌表

樊清妻吳氏年二十二夫亡事舅姑撫幼子孀居三十五年正德十一年旌表

生員馮信妻祭氏年二十四夫亡子學甫六歲守節四十九年嘉靖十四年旌表

劉遵義妻田氏年十九夫亡誓不改嫁教子成立嘉

蒲州府志

卷之十五

列女

三

靖間旌表

武應舉妻盧氏莊靜有女德年二十夫歿矢殉父母慰止之貧無所贍寄居母家紡績自給歷四十年卒萬歷間旌表

蔡澄紀妻潘氏年十九夫亡生子甫一月矢志守節歷年八十事聞旌表

張自立妻武氏年二十三夫亡父母欲改嫁之引刀自決繪夫像敬事終身事聞建坊旌表

盧國治妻潘氏夫邁病數年侍奉不少怠比卒氏年



二十四比操金石享壽八十事聞旌表

生員郭九韶妻李氏年二十夫故矢節撫孤天啓四年旌表子俊彥預恩薦授通渭令氏封太孀人郭建極妻孫氏年十七闖亂匿崖下穴中賊搜得之見氏有姿色引其手氏奮力脫臂投崖死

國朝

潘印昌妻周氏年十九夫亡無子撫姪守志當事旌其閭歲給粟帛

生員李盈院妻杜氏年二十夫亡氏擗踊號慟誓以蒲州府志  
卷之十五 列女  
三  
死殉潛緘柩前

生員丁繼美妾趙氏繼美年老無子娶氏生子甫三月繼美亡氏立志撫孤外侮叢集志不少挫

崔汝寬妾王氏年十九汝寬卒氏痛哭曰主之娶我也以無子我之不死也以有娠暨後生子呈嵐苦節撫孤卒綿夫祀

張五綱妻崔氏姜寇變潛匿高窰賊入牽之氏不受辱投百尺崖而死時年二十歲

生員郭侯垣妻張氏年十六夫亡截髮自矢事後姑



以孝稱年七十餘卒乾隆三年旌

薛如蘭妻王氏二十五而寡家貧剪髮矢無二志或至再日不食不爲恨也乾隆四年旌

監生潘德涵妻聶氏二十二夫亡守志撫子善德及長爲娶趙氏已而善德夭趙始十九復爲未亡人姑婦相倚婺居聶氏常孝於其姑趙又能繼聶奉侍不離其側乾隆五年旌

王鐫妻尉氏十八而寡家貧子幼能孝奉其舅姑常力作以養志終不少變乾隆七年旌

蒲州府志

卷之十五

列女

三

生員范衛彥妻李氏十九夫亡其姑欲嫁之自折其齒以誓有烈女風乾隆七年旌是歲與李氏同旌者有潘河榮妻楊高正妻馮范回林妻陳陳與楊俱甚少其父母欲使改適皆誓不肯從與馮氏三人食貧自守以事舅姑生養死葬並出紡績之勤所累致者

王治民妻崔氏年十九守節治民事父母素孝其亡也父哭甚痛崔自誓終身以遂治民養親之志里人聞其行爲之感動乾隆八年旌



潘侶嵩妻李氏二十五夫死父欲奪其志刺面毀容以示不二忍寒餓以撫孤子乾隆十二年旌生員范雯妻于氏民竹大建妻蔡氏志行與李畧同又崔有年妻盧氏者二十而寡事姑極謹衣不整不敢見也其姑年九十餘盧能先意善承之是三人者皆旌於朝廷在乾隆十一年

武成起妻高氏婺時二十三耳執節甚固不以貧苦爲嫌勤勞績紡以長其子月所爲布成匹有數以之出市里人呼爲月布云母家在夏縣親死無子

蒲州府志

卷之十五 列女

三

往奉其柩於滎河之鄉而葬焉其卒時八十有七初宗族鄉人憫其苦節欲聞於官請表之高氏堅不聽乃止

張氏武氏竹氏皆滎河人張夫柴宏寬武夫張崇竹夫王若義並早死武氏爲後姑所逼欲令之去則以死拒之張亦毀容矢節以謝舅姑值年饑紡績供養夜無膏油以藁代之竹夫將死以貧不能存語竹攜子他適竹甘忍餓卒不改也

生員聶雲翊妻李氏

吳承鼎妻馬氏



潘宗文妻王氏

范芬妻潘氏

樊養智妻陳氏

樊宏允妻白氏

生員張輝妻李氏

陸衍妻楊氏

生員潘毓麟繼妻郭氏生員丁夢弼妻茹氏

陳嘉謨妻韓氏

王宴妻陳氏

黃瓚妻謝氏

黃秉仁妻趙氏

陸進妻潘氏

潘逢浪妻武氏

郭維新妻茹氏

張自儉妻潘氏

薛自蘭妻王氏

王洪薦妻張氏

蒲州府志

卷之十五

列女

三

張廷珍妻蔡氏

樊焯妻聶氏

吳作聖妻樊氏

茹鳳棲妻趙氏

郭運周妻潘氏

郭翰畿妻王氏

王維棋妻閻氏

乾隆四年旌

武燕彩妻楊氏

乾隆五年旌

李久泰妻薛氏

乾隆六年旌

王庚戌妻趙氏

乾隆七年旌

冀榘妻王氏

乾隆八年旌

孫秉直妻竹氏

同八年旌

陳九有妻閻氏九有子建基妻王氏

乾隆九年旌

生員潘大擅妻武氏

乾隆十年旌

楊惟藩妻王氏

盧安仁妻郭氏

並乾隆十年旌



王焯妻張氏 乾隆十一年旌

黃君壽妻蔡氏

儒童武新政妻樊氏 上二人並旌十一年旌

茹秉禮妻張氏 張多載薛氏

樊培洛妻郭氏 上三人並旌乾隆十三年旌

儒童李仰妻高氏 薛惟藩妻郭氏

薛允盛妻王氏 郝連節妻王氏

生員吳作聖妻樊氏 李林妻王氏



萬泉縣

明

史氏適廩生楊喬喬死史方二十四姑憐其幼諭令改嫁卽號痛晚閉門自縊姑覺救護得免三年未嘗見齒奉姑甚孝後姑年九十三不能動履者三年朝夕供奉飲食姑歿盡禮安葬後羣鶴繞於宅鄉人以爲節孝所感事聞旌其門

董廷接之妻衛氏年十八守節子女俱無止依紡織自營度日歷六十餘年有司嘉其節時存恤之

蒲州府志

卷之十五

列女

美

國朝

楊月蘭妻解氏嫁時年十八秉性貞淑動循禮法月蘭有表姪董胎子者素往來其家以至親蓄之一日月蘭外賈解氏獨居胎子乘夜往欲淫解氏解持板奮擲之胎子奪板還擊解無完膚血漬墻屋問解大呼不止胎子遂以刀斷其喉而遁隨獲胎子誅之知縣鄭章表其瘞處曰節烈解氏之墓爲文祭之

生員賈麟妻劉氏麟亡氏方一十九歲子女俱無爲



夫守節織紡度日後生臂疾家人請醫調理氏挺然曰寡婦之臂豈可令人見乎寧死無醫後年七十餘乃死

醫生張心誠繼妻李氏事誠繼母能恪執婦道艱辛備嘗誠有舅母王氏寡而亡子老無所歸李迎養二十七年如事翁姑終於我殯誠前妻杜氏遺子一甫三歲繼妻賈氏遺子一纔數月李一視撫育之並成立各安其業兄弟同爨三十餘年李八十七歲而歿

蒲州府志

卷之十五

列女

三

尉氏邑庠生延平之女年十三適山東濟陽縣令薛之彬子綿瑄甫二載瑄亡氏痛哭絕粒者三日過三月產一兒兒多病氏撫育辛苦備至姑失明氏侍奉孝敬異常父母憐其幼嫠欲奪志焉以死自誓孀居八載病卒

生員賈彭年妻董氏夫亡年少無子姑微言以試其志董嚙指斷髮誓不再醮及姑年老二姪俱幼事姑益加孝敬遇疾嘗試湯藥及殯哀毀盡禮撫育孤姪成勲維烈皆其撫焉



王長女父曰昌祉女年十四一日昌祉與妻他出女獨居室中里兒薛進喜往逼淫之女不從見殺進喜奔縣令瞿亮邦讞其獄莫知爲誰以憐家十二歲幼女言搜得血履襪於進喜家卒擒之伏罪長女得請卹建坊以表貞烈

趙賓周妻賈氏年二十一夫死子崇訓三歲崇簡甫七月姑以年少子嬰使鄰嫗試之氏截指數日絕食姑知志不可奪令人勉慰之始食艱辛備歷者四十餘年

董氏范繼正妻年二十七夫亡子殤孝事翁姑備嘗艱苦歲荒粟貴束手無策適鄰女有市髮作髻者氏自剪其髮易米二升作三炊以供二人之膳自拾青棗剥樹皮以糊口奉養二十年喪葬以禮士民咸稱孝節

李五獻妻姚氏年十八守節孝事翁姑教子耕讀一幼姪孤撫之若已出姪亡遺孫甫數歲時姚已老仍扶持成立壽逾八旬精力強健康熙四十七年知縣瞿亮邦給匾旌之



薛陵妻朱氏

孫青妻王氏

王尚志妻張氏

常告君妻張氏

生員薛應滂妻李氏

御史  
旌

賈勝妻張氏

庠生闞文妻王氏

劉仁妻孫氏

高應科妻李氏

上並明  
代者

王時遴妻張氏

杜茂新妻暢氏

生員薛國瑚妻李氏

屈愈昭妻吳氏

牛拱薇妻王氏

生員牛射斗妻張氏

李自新妻王氏

監生王穀躅妻薛氏

蒲州府志

卷之十五

列女

三

吳方亨妻賈氏

衛象充母張氏

孫光輝妻李氏

雍正元  
年旌

武生史宣妻王氏

吳克盥妻謝氏



虞鄉縣

國朝

樊世成妻靳氏年十七夫亡無子其家甚貧舅姑憐其少欲使之嫁靳秉志自矢早夜織作安于勞苦人或憫其節有所周者皆謝不肯受孀寡數十年邑令表之

張清妻陳氏夫死依於父其繼母使父強嫁之陳投井中爲救免遂奔歸翁姑十年不復歸寧以志節聞

蒲州府志

卷之十五

列女

罕

劉雲瑞妻朱氏十九夫亡翁亦死與翁妾郝氏食貧共操與朱宗康妻諸氏並以節孝爲鄉里褒嘉

生員曹鎔妻王氏年十八適曹越七年夫早世撫四歲子讀書成名卒年六十有二生員曹昌辰妻李氏年二十三昌辰故遺孤甫十月撫成列庠序又先卒氏荼茹撫孫壽八十一而終雍正五年二氏俱祀節孝祠

李月林妻姚氏年二十二夫故無子事孀姑三十餘載姑年七十卒氏亦旋歿



薛建基妻張氏年十八歸薛二十二而寡子鍾秀甫  
彌月守節七十一年九十有二卒

姚家寧繼妻邵氏年二十五夫故無出前子亦早折  
有孫守志終始如一

王弘義繼妻張氏年十九夫故家貧無子女撫前子  
振魁成立矢節終身

生員申燮妻張氏年十九夫故翁繼歿遺孤目雙瞽  
氏誓死不二歲侵隣有孀婦將轉適氏慰留之賑  
以粟米縣令旌其門

蒲州府志

卷之十五

列女

聖

王貞女王業建女名栢英字羅村魏述基將嫁前一  
夕述基死女哀慟絕飲食者三日請往弔父許之  
至則持服奉姑撫族子爲嗣邑令劉旌曰金石矢  
貞

王氏者蒲人王君習女也俗以女之待年未婚而先  
娶於家者爲童養女爲虞鄉楊君義所童養焉女  
至其家君義卽出商於外不知其音者二十餘年  
矣君義之父母疑其已死他所憐王欲嫁之王堅  
不聽願獨處以待君義且得養舅姑旣而舅歿凡



葬埋皆王所營復有過空房徐女者其行與王類  
爲胡氏婦三十年而未見其夫斯其可哀也過空  
房者其俗父母於子出未歸爲娶婦於家以待之  
婦先獨處故謂之空房徐之夫曰胡映金不知所  
之疑不復歸而徐已老矣既無所依倚撫其妹之  
子爲子以是終身云

生員曹元勳妻姚氏 申士珍妻王氏

邵明超妻王氏 晁貴妻孫氏

張亮之妻左氏 麻世喬妻翟氏

蒲州府志

卷之十五

列女

聖

樊世誠妻靳氏 賈澤妻劉氏

樊弘祚妻尚氏 進士尚翌岐妻鞏氏

楊櫛妻韓氏 張蘊樸妻劉氏

張自重妻尉氏 任德英妻劉氏

乾隆四  
年旌

烈女續

李氏永濟人甯孝妻孝貧爲傭自給他日孝病李外  
出刈草將以爲炊里人王氏者素凶豪見其獨在  
欲強淫之李罵不從竟爲所殺乾隆十年旌

暢氏萬泉人王貴妻也貴死時暢年始十九誓不更



適業機織以事其翁姑一日有賊夜入室掠奪衣物且將逼暢暢大罵奪賊所持刀自刎幾殊流血被體賊驚置掠物於地而去

張氏萬泉人其夫高登雲死時張欲自縊以從爲家人救止遂盡截其髮居數年有子十二矣客或過其門而遺金焉子拾以告張張曰此屬富人金尚可設爲貧者則當如何使子待於外俟其人返尋焉舉還之

黃甲福萬泉人甲福死而其妻李少寡也其姑謂之蒲州府志

卷之十五

列女

三

曰夫嫠而守貞者富易爲貧家難爲汝盍善自計乎李堅不變曰願奉姑執節以終身矣姑後益老病扶持捧掖之未常去左右甲福同縣楊廷蘭有妻孫氏其節與行畧與李同有勸嫁者即自剔其髮面不沐衣不浣手拾薪汲井以養翁媪歷勤苦三十年

樊維垣妻溫氏

郭洲妻張氏

二人有司並旌

甯之茂妻孫氏

張敏行妻姚氏

丁檜妻田氏

有司旌

儒童張文義妻黃氏



生員薛紹先妻張氏 監生朱大昶妻樊氏

楊瑞盛妻謝氏 高邑畢妻許氏

張恬妻孫氏 薛瑞妻党氏

李作棣妻張氏 楊扶策妻李氏

荆養貴妻馬氏 許名講妻趙氏

徐德滋妻殷氏 婁立極妻王氏

徐格妻王氏 丁脣妻王氏

張思濟妻李氏 庠生張鼎亨妻李氏

楊若械妻王氏 魏如緯妻黃氏

蒲州府志 卷之十五 列女 四

曹續彬妻衛氏 曹鐸妻閻氏 上永濟

監生荆以正妻龔氏 王亶禮妻何氏

王克己妻高氏 楊樹勛妻翟氏

謝子穀妻費氏 上臨晉 杜丕振妻郭氏

衛維璣妻李氏 管文瀾妻趙氏

陳萬妻喬氏 上並建坊旌

庠生張醒妻喬氏 醒弟疇妻侯氏

喬聚德妻賈氏 王澤本妻羅氏

令狐在原妻喬氏 陸鎮妻令狐氏



喬于淮妻張氏喬于廉妻荆氏

李思忠妻喬氏  
喬于淳妻楊氏

喬學忠妻楊氏  
陸大全妻李氏

韓燕妻王氏  
姚亮妻胡氏

王述曾妻雷氏  
陳九式妻楊氏

孫薦鯉妻張氏  
令狐明奇妻喬氏

令狐升公妻劉氏  
令狐顧諤妻梁氏

李尚志妻王氏  
令狐士珂妻閻氏

王恭敏妻荆氏  
雷佩昭妻姚氏

蒲州府志

卷之十五

列女

四

雷知成妻曹氏  
楊永禧妻荆氏

郭久續妻雷氏  
南克俊妻王氏

閻恭先妻楊氏媳郭氏

何如朝妻岳氏  
李文彬妻景氏

褚長民妻陳氏  
梁經乾妻郭氏

令狐秉哲妻陳氏  
聶夢麟妻薛氏

馮明耀妻王氏  
王宮璞妻張氏

上二人  
已旌

王在坡妻姚氏  
范承烈妻賈氏

張溢琳妻李氏  
甯壽域妻王氏



薛養元妻史氏

王權妻關氏

吳謹容妻董氏

范廷錫妻吳氏

范如金妻董氏

王者臣妻楊氏

吳珮妻薛氏

南自強妻孫氏

吳友之妻王氏

婁述祖妻張氏

王仰山妻董氏

李增讓妻尹氏

吳印泰妻馮氏

董發賢妻薛氏

喬棟妻馬氏

解帝名妻張氏

馮乙進妻解氏

董可儀妻楊氏

蒲州府志

卷之十五

列女

哭

丁世俊妻王氏

馮廷柱妻牛氏

高起盛妻王氏

吳禪周妻董氏

李元福妻姚氏

李元德妻解氏

吳居端妻趙氏

解換臣妻張氏

張璧妻賈氏

王承爵妻賈氏

鄭望斗妻李氏

張大胤妻賈氏

張忠妻吳氏

董來鵬妻解氏

上萬泉

葉起波妻楊氏

王國寧妻胡氏

朱葉妻葉氏

苗維立妻馬氏



朱永吉妻王氏

樊若龍妻杜氏

晁龍妻李氏

申雲鼐妻王氏

杜明珍妻吳氏

陳克瑞妻薛氏

鄭都妻樊氏

趙憲方妻張氏

申大鵬妻王氏

樊名揚妻王氏

王正賢妻喬氏

胡允德妻高氏

陳德友妻薛氏

邸雲朋妻王氏

上虞鄉

予述郡史自明世訖於今茲其以嫠寡表狀者多不可紀數而士行特聞絕少何哉夫梨莊衛姜世

蒲州府志

卷之十五

列女

四七

貴德素然風俗既敝人多獵心或至幽貞翳耀於仄微名義飾資於華富旌彰斯褻勸激無所而道幾盡嗚呼獨此爲然哉予蓋觀乎世之祀於鄉與祭於官者往往猶是而重太息焉若所叙諸夫人或有掄刀截指刻面誓心甘飲刃以勿污樂沉淵以表潔至乃相從地下無緩死於須臾含戚終身託哀歌於早寡斯則更生之傳湘東之書又曷可已哉爲條著行事卓鑠者其餘姓氏并以附於篇

